

The Makuilongdi Express

Liangmai Daily Newspaper

“Mazibo niu ngamne”



India gu PM Modi niu UK gu PM Sunak tu G20 summit , Bali ga adou boga Uk PM niu India mainah tingkum 18-30 ga paliugu tasi-ningting lamdi degree loilu bam maileng UK niu Young Professional Scheme thiujui UK ga wang bamra chiujiu pabam 3000 hai takum machang pikhai ne chiujiu chap khaide.

2nd Olympic Games North East , Shillong ga Mizoram niu host team Meghalaya tu Mens’ Football Final ga Rohlupia khatdi Malsawmtluanga ,Mizoram mainah kania niu goal khat khat chankhai jiu Mizoram-2 Meghalaya -1 chiujiu Mizoram niu ngamjiu gold medal doulu mide.



Zengtung 17 Matuingehiu 2022 Kajannai Chiang PO Tamei ,Tml. Dist. Manipur Vol.01. Issue 34 page 1

Rapiu lad piulo patu malumjiu naliu lungchun pakhiang naniu patu machalo. Naliu leng paniu tiendi tenkhaibo maning taolo. 1 samuel 12:24.

Assam ga AZSU-AMN, meeting bamra chiujiu chapkhai mide.

Mat. 16: All Zeliangrong Students’ Union – Assam , Manipur khtadi Nagaland mainiu thainai mein Zeliangrong mai mathiu tu khatdi Zeliangrong maigu papi-para thiujui bammai khatdi karaiga NSF (Naga Students Federation) ga changam khungkhai bimai mathiu tu wangkinbo Zengtung 1 khatdi 2 , Chakehiu ga NSF gu 4th Federal Assembly hai kamra Boro Henam Village, Dima Hasao District, Assam ga AMN niu marang khaibam bokum jiu maihina wang joukam khaikhe ra chiujiu AZSU-AMN niu kukhai ye. Chiujiu AZSU (AMN) niu haibo Chakehiu, 1 khatdi 2 gara bandh blockade kamkhai mak ra chiujiu din masuang khai mide. Haibo NSF gu Federal Assembly hai loilu jiu DIMKI (Assembly) session ,AZSU gu thiujui 2022-2025 gu tenure leng makhiam kadak kiulan tron mira ye chiujiu dinne. Siniu haibo meeting ga Zeliangrong NSF gu Changam khungkhai bimai mathiu wanglujiu makhiam macham lanra chiujiu dinbam me. Karaiga All Zeliangrong Students’ Union (AMN) niu malon niabo DIMKI session Bampungo, Laisong, Assam ga zengtung 29, Chagahiu 2021 kum Zeliangrong mainiu lungbo nam ga Kanni (poppy) lingsui contd. in p2.

Tamei- Jengsan kakga pui koilas khaijiu bammide. Chabang karid/kadibo gari 4:00am gasu 10:00pm kakga tadmakra pisikhai mide.



TME, Tamei

Mat. 16: Pating katheng lam maikhu lamra npui-kapha hai wiji lungwang mibowe chiudi aliu kadih gara chaphi npui katangdi taliu matun lulakjiu bambowe. Thaimien Tamei gasu Jengsan wangrabo n-pui hai koilas (Black top) khaijiu bam mide. Haisi PMGSY gu scheme hang gasu tadmibo takum 6-7 suanglam su taliu mibo npui ye. Pating pawan sai suiuiu naikhat-naikhat muikhangjiu bam mide.



Haibo npui taliu bambo wanga mathiu tu namnia mainiu khengkhaibo haisi chabang karidbo phungbo gari rammai ra wanchak 4:00 am gasu 10:00pm kak ga tadhkhai makra pisikhai mide.Mathiu makum khaisuiye aram Jengsan khatdi Jengguang ronna kumbowe, kadihipiri ga tuhoi katang govt. gu pawuat lutou makbo si, dinboga electric di wangtang makjiu bankha bowe. Npui gari ngut tang bodi takum 2-3 nri makha bowe. Siniu mathiudi haibo npui taliu machabo wanga cooperation pikhailo chiujiu dinsan khaijiu bam mide.

HAC meeting ga ADC leng pumtan pikhai bambo si tadkiu suirabo lam ga makhiam thiukhai jiu bam mide.



Imphal Time.

Mat. 16: Autonomous District Council (ADC) tu tuhoi paliugu ngamkam leng maksai paliugu pumtan leng pisan khangra makhiam thiujui Hill Areas Committee (HAC) meeting ga pawan katheng makhiam thiukhai mide chiujiu dinne. HAC gu Chairman Diganglung

angmei niu Manipur Legislative Assembly gu HAC meeting ga media mai khuga dinjiu members mai mathiuniu wanglujiu 6th khatdi 7th amendments ga pating katheng ADC tu dechiusai pagu pumtan pisan khangralo chiujiu pathak pajai phiunak khai ye chiujiu dinne. 1972 gasu ADC hai contd. in p2.

Eastern Naga Peoples’ Organisation niu “Frontier Nagaland” lam ga makhiam thiulanra chiudin bam mide.

EastMajo.

Mat. 16: Eastern Naga gu Elected representatives mai , Tribal bodies mai khatdi Federating Units mai mathiu Konyak Union office ga wangjiu makhiam thi aruang lan raye chiujiu dinne. Eastern Naga Peoples Organisation gu President Tsapiku Sangtam niu EastMojo press ga dinjiu thainai mein paliu niu makhiam thi aruang lanra marang khiabam bosu wa kaki lamga makhiam thiison lak ge chiudi paliuleng State ‘Frontier Nagaland’ chiujiu pikhai raleng tu main agenda thiujui makhiam thiuraboi chiujiu dinne. Tadmibo Hiu (Month) ga Eastern Nagas gu Apex body niu 20 MLAs resign kam raboi, India gu Government niu paliugu ladbam duntukhai maksai chiujiu dinkhai mide khatdi Central

Karingting Lunlung



@@@Chakabo, koi tasia khuara nidkad kaht azi tadkhe. \$\$\$\$ Pok! nai world Cup mangai mija? Thaikumra no opai.

Aliu wa kakalibo haye sai, aliu buangkhong bodi haye, aliu buangkhongbo haye sai palingjiu ringbambo makge.

Editorial

N-da katingmai niu characham aliu Liangmai kalung cheng maksai chaki-chalu kathiubo zai, cahalad-chalui tuhoi aliu nahmai nkienga wazeng simakbo zeng gasu aliu Liangmai chengriak 100 ga 50 kumbo hawang jiu phiusi lakjiu bam mide. Kating kenga chamsing (poetry) thiujju bamniu makge chiudi chalui hainiu charachamdi thi khatdi chalad kasukbo, amunniu dinsabo kakeng chalui niu nkenjiu thiubam niuwe. Tuhoi aliu kenga chalui thiusi ta, characham sita, kamkasu westernise thiuju miji alad-alui mangai wangsulajiu bam mide. Masai mariwang phuikhai lankhe. Taliu lankhe pawan riju makga, kati lankhe chalad- chalui. Maira maiye, aira aiye, maitu alijiu detheng nang tadlu ralo.

HAC meeting ga ADC leng pumtan pikhai bambo si tadkiu suirabo

contd. from p1.

G wangmiboi chiudi tuhoi tangbo District council mai-leng wadi palu gu pumtan leng kam kasuibo pikhai mak khaye chiujiu dinne. Chief Minister N.Biren Singh gu leadership hang gasu palu members mai wanglujiu District Council hai dechiu bojai gasu taliu muisan ralo khatdi dechiusai palu gu pumtan hai tansan khangralo chiujiu makhiam thiukhai de chiudi palu gu makhiam ga wadi kasuibo phungpad lumak jiu mathak lan miye chiujiu dinne palamra tuhoi ADC tu thinpiu rabo npui si koi-koi nah makhiam muisui lujiu wirabo jaiga taliu wangra ye chiujiu Gangmei niu dinne. Nkiujiu ADC gu election lam ga dinlanjiu process waji ra loiwang mide chiujiu watheng makbo lung ga ADC gu election di kam miraye chiujiu dinne.

Lianglad raora siolen khaibo. Week-5.

N-danai gu padon....

Word division scheme in Liangmai- part II
Declarative Marker

Chiudi aliu ariak raobo ga maiki lad thin aruangbo di bamme. Si kumbo wan bga detiu declarative marker si thin ralo chiu phuikhe. 'Hai si computer ye', 'wi si America ye'. Maiki lad rao aruangbo ting ga -ye niu thinkhe khatdi noun nai declarative marker chaladriang ga proper noun kakga pakak (gap) pikhai lo. Lianglad raobo ga di exception khat bamme, sisi ra chaladriang ga proper noun ladkeng niu loikhai sai (nominal predicate mi sai) -ye niu thinne khatdi wibo noun nai declarative marker si rao npek rabowe. Pahang ga example lenkhai ye
Pa hai Tingwang ye
Haisi Lungthonbuibou ye
a'Rapiu ye

Mathiu niu sikhai rabo khat niu declarative marker hai karaobo ga pazai tam-tam bam di, pa ngam (function) ra nchamme.

Source: LLS (M) Liangmai orthography Guideline, 2022

Office of the
LIANGMAI NAGA KATIMAI RUANGDI
(All Liangmai Naga Students' Union)

Oking {Tamei Hq. Manipur
{Tening Hq. Nagaland

Ref. No.....

Date 15/11/2022

Kukhaibo
15th, Matuingee Hiu, 2022

Wangkinbo Machanai Jengtung 22 Matuingeehiu, 2022 bonai LNKR hangga bambo Nam khatdi ariaknah Phom gu Pakhangpi nai Raosui gu madui Bena Nguang, Senapati District, Manipur ga bamne. Siniu panam nam gu khatdi ariaknah Phom gu Pakhangpi nai Raosui hina moumkajiu wangjou kamkhaira kukhai ye. Sigasu azat ga kasi-kangou thiujju ariaknah Phom tu palung kathiuhina di wangjou khaira agun bamme.

Madui ga kawang mai hina khuga Rangkang kaikhad (RK. 100/-) chamai masing machakbo thiujju lune, Nson gu malot ra ndengkhaibo nam gu Village Authority niu ponkhai ne.

Makhiam rabo ladbam:

1. Constitution approval.
2. Election Commission.
3. Misc.

Pawan : 10:00am

Pabam : Community Hall.

Kukhaipao

LNKR, Interim

1. TENNYSON MARENMAI

2. Nk. job

Eastern Naga Peoples' Organisation....

contd. from p1.

maksai State gu election ga di joulak ge chiujiu dinkhai de, nkiujiu India gu political party ruang ga joulan lak mide chiujiu dinkhai mide. Tuhoi majat bolung ga state maksai central lamsu paliugu gu demand 'separate state, "Frontier Nagaland" chiujiu Eastern Nagaland maileng pikhai maksai karaiga dintou khaimibo kumjiu Nagaland Legislative Assembly ganiu 20 legislators hai resign kam miraboi khatdi Central maksai State gu political party workers thiubam mai mathiu di palu ngam mathak kam mira boi chiujiu dinkhai lan de.

Assam ga AZSU-AMN, meeting...

contd. from p1.

makge chiujiu chap khai miboi chiudi tuhoi Zeliangrong nam kasia gara kanni lingbam khayeh chiujiu dinbam botu AZSU niu palu niu kam kajibo kamkiu raye chiujiu dinne khatdi State gu government nai chuncham lujiu haibo kanni lingbo tu kham mira kamra boi chiujiu dinne.

MATHEN CHAM

2nd North East Olypic Games ga Manipur niu medal kengthu jiu bam mide.



NORTH EAST OLYMPIC GAMES 2.0: AN
EXPRESSION OF SOLIDARITY

Mat. 17: Manipur niu thainai mein 2022 North East Olympic Games, shillong ga mathen jiu jeng charuk boleng thiujju mathen khang boga Medal dou makeng thiujju bam mide. Medal doubosai: 78 gold, 71 silver, 72 bronze chiujiu pakhiang nah thiujju 221 medal doulu mide. Assam niu 183 medals doulu we khatdi Arunachal Pradesh niu 108 medals doulu de. Manipur niu Gold medal dousan lubosi U-17 gu Womens' Football ga Arunachal Pradesh tu MFA Turf, Polo Ground ga final match mathen jiu ngamlu bo gasu dousan lu de.